

Headline	MoU DBKL, FRIM bagi program penghijauan		
MediaTitle	Utusan Malaysia		
Date	11 Mar 2013	Color	Full Color
Section	Dlm Negeri	Circulation	197,952
Page No	L-27	Readership	833,287
Language	Malay	ArticleSize	288 cm ²
Journalist	N/A	AdValue	RM 5,692
Frequency	Daily	PR Value	RM 17,076



MoU DBKL, FRIM bagi program penghijauan

KUALA LUMPUR 10 Mac - Memorandum persepahaman (MoU) antara Dewan Bandaraya Kuala Lumpur (DBKL) dan Institut Penyelidikan Perhutanan Malaysia (FRIM) bagi memperhebatkan program penghijauan di bandaraya ini dalam peringkat akhir.

Datuk Bandar Kuala Lumpur, Datuk Seri Ahmad Phesal Talib, berkata, pihaknya masih perlu memuktamadkan beberapa perkara terutama mengenai pasti jenis pokok hutan yang sesuai ditanam di bandaraya ini.

Menurutnya, perkongsian pintar antara DBKL dan FRIM merupakan sebahagian langkah mewujudkan kelestarian persekitaran Kuala Lumpur untuk sentiasa segar dengan membawa pokok hutan ke kawasan bandar melalui konsep hutan bandar.

"FRIM merupakan agensi yang diiktiraf di peringkat antarabangsa di mana mempunyai kepakaran untuk tujuan pengawasan, penyediaan pokok-pokok melalui teknik penana-

man dan sebagainya,"katanya.

Beliau berkata demikian dalam sidang akhbar selepas merasmikan Program Penanaman Pokok di Pusat Latihan Polis (Pulapol), Jalan Semarak, di sini, semalam.

Pada program tersebut, sebanyak 246 batang pokok rendang dan 1,800 pokok renek ditanam dengan penglibatan 595 pelatih polis di situ.

Dalam masa sama, Ahmad Phesal berkata, DBKL kini dalam proses menaiktaraf enam taman di ibu kota yang telah dikenal pasti untuk ditingkatkan dari segi kemudahan peralatan rekreasi dan juga penambahan koleksi pokok.

Katanya, ia juga seiring dengan penubuhan 'Sahabat Taman' yang berperanan memastikan kemudahan di taman-taman terlibat terjaga.

"Ada juga tawaran daripada badan bukan kerajaan (NGO) yang mahu bersama-sama mewujudkan 'Sahabat Taman' ini iaitu di Taman Pudu Ulu, Bukit Jalil, Taman Botani, Taman Metropolitan Batu dan Metropolitan Kepong,"katanya.



SEBAHAGIAN pelatih polis bergotong-royong menanam pokok sempena perasmian Program Penanaman Pokok Bagi Pusat Latihan Polis (PULAPOL) Jalan Semarak di Kuala Lumpur, kelmarin.